

Tenki Tenki

Wi de tel tenk to Yunayted Neshon Ay Komishona fo Yuman Rayt fo we dem pe fo dis wok ya.

Di Nashonal Komishon fo Demokrasi en Yuman Rayt na dem put dis Deklareshon na wi yon Sa Lon languej dem.

Wi de tel plenti tenki to di posin we ton di inglish languej to krio, di wan we hep fo chek di wok en di man we dro dem pikcho, Adams, Bangura, en Miss Patience Boknor we tayp

Di Stetment Bot Di Rayt Den We olman na Di Wol Fo Get

Wetin Kam Bifo (Introdokshon)

Soso we if wi sabi en gri se if olman get inseh yon respekt, i ikwal en get di sem rayt lek eni oda posin oloba di wol, den di wanol wol sef go get fridom, jostis en pis; as tin den we wiked pasmak don apin bikos pipul dem no wan fo gri se olman ikwal.

Di tin we di komon man want pas oltin na di wol tide na fo mek evribodi ebul fo se wetin i fil, o tink bay aw tin de bi, fo biliv wetin i want fo biliv en get benifit from ol wetin i nid, wit kolat.

If man fo liv wit kolat en no get fo de fet fo in yon yon rayt, den i impotant fo mek di lo protekt da rayt de;

Na semweso i gud fo le kolat en frenship de bitwin neshon en neshon den.

We di Yunayted Neshon den sef si dis nain mek den put am tranga wan na den chata se ol motalman olsay na di wol ikwal, den get densef sef yon respekt we nobodi no fo fomful wit.

Weda den na man o uman, diffrens no fo de, en di Yunayted Neshon do mekop den maynd fo mek olman liv with kolat en respekt usay i de en get itwal chans fo du wetin den sabi fo du.

Na semweso di memba kontri den na di Yunayted Neshon don gri fo joyan en mek sho se den go get fridom, jostis en pis sote go.

Fo mek dis wanwod ol wata oloba di wol, evribodi fondastand wetin den rayt en den fridom, jostis en pis yaso min.

so, le wi si,

Di Jeneral Asembli

don tok naw se,

Dis stetment bot di rayt we olman olsay na di wol fo get, fo bi sem fool kanaba pipul den na ol di kontri den en dat evribodi en patikla di wan den we get pawa, fo mek sho se dnsef en den denlan am, den sabi am en de fala wetin i se so dat oLoba di wol pipul den go get fridom, jostis en pis.

Atikul Wan

evribodi bon fri en get in yon rayt, non wan no pas in kompın. Wi ol ebul fo tink en fenot wetin rayt en rɔŋ pantap dat wi fo sabi aw fo liv lek wan big famili.

#### Atikul Tu

evribodi fo get di sem rayt en fridom we dis stetment tok bot, no mata wɛda in na wetman o blakman, man o uman, bukman o yu no sabi rid en rayt, poman o moniman, kristien o muslim.

Pantap dat, di kontri we di posin bon sef no fo bi baria na in we. I fo get ikwal rayt lek eni oda posin na di best develop kontri na di wol.

#### Atikul Tri

Evribodi fo ebul fo liv in layf, fo fil fri en fo fil sef se nobodi o natin no go denja in layf.

#### Atikul Fo

Nobodi no fo mek in kompın in slev – dis, ɔenitiŋ sef we fiba am fo tap.

#### Atikul Fayv

Nobodi no fo mek in kompın sofa bita wikɛd pen na bɔdi o shem sote i los da in yon yon respekt.

#### Atikul Siks

evribodi get rayt fo mek pipul den respekt am as motalman enisay na di wol en, sef, fo mek di loep am get dis respekt.

#### Atikul Sevin

evribodi ikwal en di lo fo ebul protekt eniwan wantem we oda pipul den na trit wan du am wetin in motalman rayt no gri fɔo if bad pipul se oda wan agens am.

#### Atikul Et

evribodi we tink se den don go agens in rayt we dis stetment tok bot, fo ebul get ol di ep we i nid from eni kotos we get pawa na in kontri.

#### Atikul Nayn

Nobodi no fo arest, jel o dreb eni posin komot na in yon kontri jes bikes i fil fo du so.

#### Atikul Ten

enibodi we den arest fo tiŋ we i du agens di lo, fo get ful protekshon from Loya den we go tinap fo am na kotos.

#### Atikul Ilevin

enibodi we den ker go kot fo tiŋ we den se i du agens di lo fo get di rayt fo se in no du da tiŋ de en di kot fo biliv am. I go lef wit di kot naw fo pruv se i du am na poblik trayal usay in sef go get in yon Loya den we go fet in kes fo am.

Nobodi no fo pas jojment se posin gilty o iponish da posin de fo lek big ofens we pas wetin i du e sef, we notooofens insay in yon kontri oda kontri den na di wol.

## Atikul Twelv

Nɔbɔdi nɔ get rayt fɔ intafia as i lek wit ɔda pɔsin in kola, in fambul, in om en in leta den we ɔda pipul rayt to am, ɔ ivin tray fɔ pwel in gudnem ɔ in rɛspekt. Di lɔ fɔ protɛkt evribodi fɔ den kanaba molesteshɔn yaso.

## Atikul Totin

evribodi get rayt fɔ go enisay en tap enisay na eni pan di kontri den we de na di Yunayted Neshɔn; pantap dat, i fri fɔ kɔmɔt na in kontri ɔeniwan pan di kontri den na di Yunayted Neshɔn en tɔn bak kam na in yon kontri we i pliz.

[Missing?]

## Atikul Fotin

enibodi we tink se in layf de pan denja get di rayt fɔ aks mek den alaw am, en in fɔ get da pamishɔn de fɔ tap na eni ɔda kontri na di wol. Bot, if di rizin we mek da pɔsin de wan kɔmɔt na in kontri go tap ɔdasay nɔ get natin fɔ du with politiks, ɔ na tiŋ we di Yunayted Neshɔn stetment de agens, den i nɔ go get da rayt de.

[Missing?]

## Atikul Fiftin

evribodi get rayt fɔ get wan kontri we i go kɔl in yon.

Nɔbɔdi nɔ get rayt, jes bikɔs i fil so, fɔ, mek sɔmbɔdi nɔ ebul fɔ kɔl in kontri in yon igen, en, pantap dat, nɔbɔdi nɔ get da pawa de fɔ tap enibodi we want fɔ chenj di kontri we i go kɔl in yon.

## Atikul Sikstin

ɛNi man en uman we dɔn ɔfej, no mata if den tu nɔ to di sem trayb, kola ɔ rilijɔn, get di rayt fɔ mared, bon pikin en bigin den yon famili. Den fɔ get di sem rayt as maredman en mareduman, ivin if di mared brok sɛf.

Fɔ mek di mared get minin, di man en di uman fɔ no plen wan wetin den de du en den fɔ gri fɔ bi man en wɛf.

[Missing?]

## Atikul Sevintin

evibodi get rayt fɔ get prɔpati fɔ inɛf ɔ fɔ jɔyn wit ɔda pipul den en get di prɔpati.

Nɔbɔdi nɔ fɔ tek eni pɔsin in yon prɔpati kɔmɔt na in an we i jes fil nomɔ fɔ du so.

## Atikul Etin

evibodi get rayt fɔ tink aw i want, fil aw i want bot enitin we de apin enisay, en jɔyn eni grup ɔ choch ɔeni ɔda God wok fɔ prez God di we i fil, igen sɛf, i fri fɔ chenj in grup ɔ choch en ivin di we aw i fil bot God; pantap dat, i fri fɔ wɔship in wangren ɔ wit ɔda pipul den na pɔblik ɔ prayvet.

## Atikul Nayntin

evribodi get rayt fɔ tink wetin i fil ɛn fɔ se wetin i fil. Dis min igen se nobodi nɔ fɔ ambogin ɛni ɔda pɔsin bikɔs ɔf wetin i fil ɔ biliv. I get di raty fɔ sho, tɔk bot, fala ɔ ivin tich wetin i biliv to ɔda pɔsin dɛn, ilɛk usay ɔ uskayn we i pas di wɔd.

#### Atikul Twenti

evribodi fri fɔ bi mɛmba ɔf ɛni grup we i chuz wans nɔmɔ dɛn nɔ de du ɛnitiŋ de fɔ briŋ ambog ɔ trɔbul na di kɔntri.

Nɔbodi nɔ fɔ fos ɛni pɔsin fɔ jɔny ɛni grup we i nɔ want fɔ jɔyn.

#### Atikul Twenti Wan

evribodi get rayt fɔ du wetin i ebul du fɔɛp di gɔvament ɔf in kɔntri. I kin du dis if i wok wit di gɔvament ɔ if i vot fɔ pipul dɛn we go wok wit di gɔvament.

evribodi get di sem rayt fɔ yuz ɔl gɔvament prɔpati we de fɔ di pɔblik.

Wetin di pipul dɛn want nain di gɔvament fɔ du. Di pipul dɛn go sho wetin dɛn want we dɛn wan we dɔn big du fɔ vot go vot na jenaral ilɛkshɔn frɔm tɛm to tɛm. Nɔbodi nɔ fɔ fos dɛn, nobodi nɔ fɔ tap dɛn fɔ fri fɔ vot usay nobodi nɔ go si dɛn, ɛn fɔ udat dɛn want.

#### Atikul Twenti Tu

evribodi get rayt fɔɛkspekt in kɔntri fɔ protɛkt am ɛn gi am chans fɔ divɛlɔp insɛf ɛnisay ɛn bi sɔmbdi wit rɛspɛkt ɛn we go ebul insɛf pan wok ɔ biznɛs ɔ stɔdi te in kɔntri kin si am as wan pɔsin we fɔ abop pan.

#### Atikul Twenti Tri

evribodi get rayt fɔ wok, fɔ du di wok we i lɛk ɛn fɔ get gud pe fɔ di wok we i de du.

evribodi fɔ get di sem pe fɔ di sem wok.

evribodi we de wok get rayt fɔ get di kayn pe we go mek in ɛn in famili ebul fɔ liv lɛk nɔmal mɔtalman dɛn, ɛn if i posibul sɛf, dɛn kin get ɔda kayn ɛp fɔ mek layf betɛ fɔ dɛn.

evribodi get rayt fɔ fɔrm tred Yunion ɔ jɔyn an as wokman ɔ wokuman fɔ mek nobodi nɔ tinap pan dɛn rayt na di wokples.

#### Atikul Twenti Fɔ

evribodi get rayt fɔ rɛst ɛn rilaks in bɔdi, insay dat, dɛn fɔ rɛst afta dɛn dɔn wok dɔn ɛvride. Pantap dat, dɛn fɔ get tɛm we dɛn go go ɔlide (ɛvri ia liv) ɛn get dɛn pe fɔ da liv tɛm de.

#### Atikul Twenti Fayv

evribodi get rayt fɔ liv di kaynaba layf we go mek in ɛn in famili dɛn nɔ sik, i fɔ ebul get tin fɔ it, klos, os, mɛrɛsin ɛn i fɔ ebul abop se if tiŋ bad fɔ am na layf, lɛkɛ i sik, in patna ɔ pikin sik, i lɛf wok, day mit am ɔ i kam ol tumɔs, i go get ɛp frɔm di gɔvament.

Lili pikin ɛn mami we get pikin get rayt fɔ get spɛshal ɛp ɛn dis ɛp nɔ fɔ difrɛn ivin if nɔtɔ di maredwɛf bɛn di pikin. Maredwɛf pikin ɛn switat pikin fɔ get di sem tritment ɛn bɛnifit ɔlsay.

## Atikul Twenti Siks

evribodi get rayt fɔ get ɛdyukeshɔn; ɛlimentri ɛn praymari fɔ bi fri, ɛn ɛlimentri ɛn praymari ɛdyukeshɔn fɔ bi bay fos, bay kɔmpɛl. ɛnibodi we want, kin get di kayn ɛdukeshɔn we go tren am fɔ spɛshal jab dɛn. Yunivasiti ɛdyukeshɔn go de fɔɛnibodi we want am, ɛn we fit fɔ get am.

ɛdyukeshɔn go tren di lana fɔ gro fɔ rɛspɛkt di rayt ɛn fridɔm we ɔda pipul dɛn get. I go mek pipul dɛn ebul fɔ liv togɛda nɔ mata wɛda dɛn de na di sem kɔntri ɔ sɔm bi frɔm ɔda kɔntri, wɛda dɛn get di sem kɔla ɔ dɛn ivin jɔyn di sem rilijɔn; dis go ɛp mek di Yunaytɛd Neshɔn dɛn wok fɔ get pis ɛn kolat ɔlsay na di wɔl izi.

Na di mami ɛn di dadi fɔ disayd uskayn ɛdyukeshɔn dɛn pikin fɔ get; if dɛn nɔ ebul ɔ dɛn nɔ de, dɛn, ɔda pɔsin kin du am.

## Atikul Twenti Sevin

evribodi get rayt fɔ tek pat pan ɔl dɛn kaynaba aktiviti we blant in kɔntri lɛkɛ di sinɛn dans, di dresin ɛn di pichɔ drɔin dɛn we de sho tiŋ dɛn bot in kɔntri. I get di rayt igen sɛf fɔ tek pat ɛn bɛnifit frɔm di gud tiŋs dɛn we sayɛns dɔn briŋ kam na in kɔntri.

evribodi get rayt fɔ kip ɛn ɛnjoy as in yon ɛnitin we in sɛf fɛnɔt, du ɔ rayt insay sayɛns, raytin drama ple aktiŋ.

## Atikul Twenti Et

evribodi get rayt fɔ bɛnifit frɔm grup we get pawa ɔloba di wɔl fɔ mek sho se evribodi go ɛnjoy dɛn rayt ɛn fridɔm dɛn we dis stɛtmɛnt tɔk bot.

## Atikul Twenti Nayn

evribodi get in yon wok we in fɔ du na in sosayti fɔ mek sho se i go liv api ɛn ful layf insay de.

We pɔsin de tray fɔɛnjoy in rayt dɛn ɛn in fridɔm dɛn na sosayti, i fɔ mɛmba se di lɔ de fɔ mek sho se i mɛmba se ɔda pɔsin dɛnsɛf get dɛn yon rayt ɛn fridɔm we i fɔ rɛspɛkt so dat ɔda ɛn kolat go de ɔlobɔt (ɔlsay).

Dɛn rayt ɛn fridɔm dɛn ya we de na dis stɛtmɛnt we kɔmɔt na Yunaytɛd Neshɔn na fɔ mek pipul dɛn get pis ɛn kolat na dɛn kɔntri. Nɔbɔdi nɔ fɔ tray fɔ mek pipul dɛn fɔ get ɔda tiŋ pas dat.

## Atikul Tati

Natin nɔ de insay pan dɛn stɛtmɛnt yaso we min bad fɔɛni pɔsin ɔ grup ɔf pɔsin insay ɛni kɔntri so, mek nɔbɔdi nɔ fil dat.